

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03), člana 46. Zakona o pravobranilaštvu ("Službene novine Kantona Sarajevo", broj 33/08 i 7/12), člana 13. Odluke o pravobranilaštvu Općine Stari Grad Sarajevo ("Službene novine Kantona Sarajevo", broj 18/09), Odluke o standardima i kriterijima za imenovanje pravobranioca Općine Stari Grad Sarajevo ("Službene novine Kantona Sarajevo", broj 21/03), kao i Odluke Općinskog vijeća Stari Grad Sarajevo ("Službene novine Kantona Sarajevo", broj 45/16), Općinski načelnik Općine Stari Grad Sarajevo, objavljuje

JAVNI OGLAS

za imenovanje Pravobranioca Općine Stari Grad Sarajevo i Zamjenika pravobranioca Općine Stari Grad Sarajevo

1.) Pravobranilac Općine Stari Grad Sarajevo.....1 izvršilac

- imenovanje se vrši na period od 4 (četiri) godine, sa mogućnošću ponovnog imenovanja

Opis poslova:

Pravobranilac predstavlja Pravobranilaštvo, rukovodi njegovim radom, obavlja poslove utvrđene Zakonom o pravobranilaštvu, Pravilnikom o unutrašnjoj organizaciji i radu Pravobranilaštva i poslove utvrđene aktima Općine, i to:

poduzima pravne radnje radi zaštite imovine i imovinskih interesa Općine pred sudovima i drugim nadležnim organima, kao i u drugim slučajevima zaštite imovine i imovinskih interesa Općine kada je za to ovlašten Zakonom, u kojim slučajevima Pravobranilaštvo ima položaj i prava stranke u postupku; daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Općine; daje pravna mišljenja prije zaključenja ugovora imovinsko-pravne prirode; vrši kontrolu zaključenih ugovora o otkupu stanova; daje mišljenja Općinskom vijeću u postupku dodjele gradskog građevinskog zemljišta; obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.

Kandidati za imenovanje na poziciju Općinskog pravobranioca trebaju ispunjavati sljedeće uslove:

Opći uslovi

- da je državljanin Bosne i Hercegovine
- da je stariji od 18 godina

- da u posljednje tri godine od dana objavljivanja Javnog oglasa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini
- da nije obuhvaćen odredbom člana IX. I. Ustava Bosne i Hercegovine

Posebni uslovi

- završen Pravni fakultet
- položen pravosudni ispit
- najmanje 3 godine radnog iskustva na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima
- poznavanje rada na računaru
- posjedovanje najviših moralnih osobina za obavljanje poslova pravobranilaštva

2.) Zamjenik pravobranioca Općine Stari Grad Sarajevo.....1 izvršilac

- imenovanje se vrši bez ograničenja trajanja mandata

Opis poslova:

Zamjenik pravobranioca vrši poslove iz djelokruga Pravobranilaštva koje mu odredi Općinski pravobranilac. U zastupanju pred sudovima i drugim organima zamjenik pravobranioca ima ovlaštenja pravobranioca. Zamjenjuje Općinskog pravobranioca u njegovoj odustnosti ili spriječenosti u obavljanju poslova, sa svim njegovim ovlaštenjima i odgovornostima.

Kandidati za imenovanje na poziciju Zamjenika općinskog pravobranioca trebaju ispunjavati sljedeće uslove:

Opći uslovi

- da je državljanin Bosne i Hercegovine
- da je stariji od 18 godina
- da u posljednje tri godine od dana objavljivanja Javnog oglasa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini
- da nije obuhvaćen odredbom člana IX. I. Ustava Bosne i Hercegovine

Posebni uslovi

- završen Pravni fakultet
- položen pravosudni ispit
- najmanje 3 godine radnog iskustva na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima
- poznavanje rada na računaru
- posjedovanje najviših moralnih osobina za obavljanje poslova pravobranilaštva

Prilikom ocjene kvalifikacije i iskustva kandidata, prijavljenih na naprijed navedene pozicije, uzet će se u obzir i sljedeće:

- stepen obrazovanja kandidata
- posjedovanje posebnih specijalističkih znanja
- iskustvo u više pravnih oblasti
- sposobnost kreativnog doprinosa u izradi općinske pravne regulative
- rezultati rada ostvareni tokom karijere
- pismene preporuke ranijih neposrednih rukovodilaca

Uz prijavu na Javni oglas, koja sadrži biografiju, adresu i kontakt telefon, kandidati trebaju dostaviti **original ili ovjerene kopije** sljedećih dokumenata:

- diplomu o završenom Pravnom fakultetu
- uvjerenje o položenom pravosudnom ispitu
- uvjerenje o radnom iskustvu
- dokaz o poznavanju rada na računaru
- uvjerenje o državljanstvu (ne starije od šest mjeseci)
- izvod iz matične knjige rođenih
- uvjerenje da se protiv kandidata ne vodi krivični postupak (ne starije od šest mjeseci)
- ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije
- ovjerenu izjavu da kandidat nije obuhvaćen članom IX.1. Ustava Bosne i Hercegovine

Po završetku izborne procedure, imenovani kandidati će biti obavezni dostaviti i ljekarsko uvjerenje o zdravstvenoj i radnoj sposobnosti, prije preuzimanja dužnosti Općinskog pravobranioca i Zamjenika općinskog pravobranioca.

Prijave s traženom dokumentacijom dostavljaju se poštom preporučeno u zatvorenoj koverti na adresu:

Općina Stari Grad Sarajevo, ulica Zelenih beretki broj 4., sa naznakom “Javni oglas za imenovanje Pravobranioca Općine Stari Grad Sarajevo i Zamjenika pravobranioca Općine Stari Grad Sarajevo”, u roku od 15 (petnaest) dana od dana posljednje objave Oglasa.

Kandidati su u prijavi dužni navesti redni broj pozicije na koju se prijavljuju.

Konkurs će se objaviti u “Službenim novinama Federacije BiH”, dnevnim listovima “Oslobođenje” i „Dnevni list“, i na web stranici Općine Stari Grad Sarajevo (www.starigrad.ba).

Nepotpune i neblagovremene prijave neće se razmatrati.

OPĆINSKI NAČELNIK

mr. Ibrahim Hadžibajrić

Broj: 01-05-4-2317/16

Sarajevo, 22.11.2016. godine